



REPUBLIKA E KOSOVËS/REPUBLIKA KOSOVA

GJYKATA THEMELORE GJAKOVË

Numri i lëndës: 2024:039500

Datë: 23.09.2024

Numri i dokumentit: 06193315

C.nr.3352/23

GJYKATA THEMELORE NE GJAKOVË - Departamenti i Përgjithshëm, Gjyqtari Florid Hasku, me bashkëpunëtoren profesionale Gresa Haxhiavdyli, duke vendosur në çështjen juridike kontestimore të paditëses F. P. nga Gjakova, të cilën me autorizim e përfaqëson Kushtrim Bunjaku, avokat në Gjilan, Rr. "Skenderbeu" H-42, K-II, Nr.3 Gjilan, kundër të paditurit Shërbimi Spitalor dhe Klinik Universitar i Kosovës, Lagja e Spitalit, 802.00 Prishtinë, të cilin me autorizim e përfaqëson Blerta Rudi Brovina – juriste, me objekt kontesti: kompensim i pagës se 13-të, jashtë seancës, me 23 shtator 2024, mori këtë;

A K T G J Y K I M

I. REFUZOHEȚT në tërësi e pabazuar kërkesëpadia e paditëses F. P. nga Gjakova, me të cilën ka kërkuar që të detyrohet i padituri Shërbimi Spitalor dhe Klinik Universitar i Kosovës në Prishtinë, që në emër të pagës së 13 (trembëdhjetë), për vitin 2020, t'ia paguaj shumën prej 802.00 euro, me kamatë prej 8% nga data e paraqitjes se padisë e deri në pagesën definitive, në afatin prej 7 ditësh nga dita e marrjes se aktgjykimit, nën kërcënim të përmbarimit.

II. Secila palë i bartë shpenzimet e veta të procedurës.

A r s y e t i m

Paditësja përmes të autorizuarit të saj me datë 28.12.2023, në këtë gjykatë ka parashtruar padi në të cilën ka theksuar se paditësja është në marrëdhënie të punës se rregulltë të e paditura, me kontratë në kohë të pacaktuar me detyrat si Doktor Specialist-Shef i Kabinetit Oftalmologjik. Duke marrë për bazë dispozitat e Kontratës Kolektive Sektoriale, konkretisht nenin 17 paragrafi 2 paditësi disa herë vërbalisht ka kërkuar nga e paditura si punëdhënëse që t'ia paguaj pagën e

13 për punën e bërë në vitin 2020. E paditura përkundër faktit se e ka pranuar kërkesën verbale të paditësit, nuk i është përgjigjur në kërkesën e paditësit si dhe nuk e ka kryer obligimin e saj të dalur nga KKS-ja. Me propozim për gjykatën që ta aprovoj kërkesëpadinë e paditëses, ashtu që ta detyroj të paditurin në pagimin e shumës prej 802.00 euro në emër të pagës se 13, për vitin 2020 me kamatë prej 8%, e cila do të llogaritet nga data e paraqitjes se padisë e deri në pagesën definitive, nën kërcenim të përmbarimit.

E paditura, përmes të autorizuarës se saj me datë 18.09.2024 në këtë gjykatë ka paraqitur përgjigje në padi, në të cilën ka theksuar se e kundërshtojmë kërkesëpadinë e paditëses si të pabazuar, të parashkruar dhe të pathemeltë. Tujte ka parashtruar se padisë se paditëses i mungon baza ligjore, pasi që bëhet fjalë për kontratën kolektive sektoriale të shëndetësisë, e cila ka qenë në fuqi nga data 12.06.2018 e deri me datë 11.06.2021. Pretendimi i paditësit për pagesetë pagës së 13-të bazuar në nenin 17 paragrafi 2 të KKS-së, është i pa bazë për arsy se formulimi normës së lartpërmendor përcakton se “punëmarrësi ka të drejtë në kompensimin e pagës së 13-të për çdo vit kalendarik, në vlerën e pagës bazë, sipas mundësive buxhetore të punëdhënësit”. Andaj konsideron se përbushja e këtij detyrimi nuk ka qenë e detyrueshme përfaktin se kjo dispozitë nuk ka qenë me përbajtje detyrimore por deklarative. Përvërtetimin e interpretimin të normës së lartpërmendor kemi edhe mendimin juridik të Gjykatës Supreme të Kosovës me numër protokolli 212/2023, të datës 09.10.2023, për pagën e 13-të e cila ka vlerësuar se “në mënyrën se si është formuluar dispozita e cituar, çështja e kompensimit të pagës së 13-të për punëtoret shëndetësor është e kushtëzuar me mundësit financiare të punëdhënësit, përkatesisht nëse ka mjete buxhetore” andaj edhe i padituri SHSKUK si organizatë buxhetore ka pasur mungesë të buxhetit ndër vite në kategoritë e pagave dhe mëditjeve, dhe plotësimi i këtij deficitit buxhetor është bërë nga Ministria e Financave për mbulimin e pagave të rregullta siç provohet edhe nga njoftimi i lëshuar nga Drejtori Financiar i SHSKUK z. Enver Gashi, me numër protokolli 3823, i datës 21.12.2023. Me propozim për gjykatën që ta refuzoj kërkesëpadinë e paditëses si të pabazuar.

Gjykata, pas shqyrtimit të padisë, provave që gjenden në shkresat e lëndës, si dhe përgjigjetës padi, në kuptim të nenit 399 i Ligjit për Procedurën Kontestimore (në tekstin e mëtutjeshëm LPK) erdhi në përfundim se kërkesëpadia e paditëses është në tërsi e pabazuar për arsyet si në vijim:

Në mes të palëve nuk ishte kontestues fakti se paditësja është e punësuar tek i padituri, përkatësisht në punët dhe detyrat Doktor Specialist-Shef i Kabinetit Oftalmologjik, po ashtu nuk ishte kontestues se e njëjtë realizon pagë mujore bazë prej 802.00 euro.

Kontestuese në këtë rast në mes palëve ishte se a i takon paditëses e drejta për kompensimin e pagës se 13 dhe se a ekzistojnë mundësitë buxhetore të te paditurit për pagimin e pagës së 13, kundrejt paditëses.

Kjo gjykatë gjeti se në këtë rast duhet të aplikohet Kontrata Kolektive Sektoriale e Shëndetësisë, e datës 12.06.2018, e lidhur në mes të Ministrisë së Shëndetësisë se Republikës se Kosovës dhe Federatës Sindikale të Shëndetësisë së Kosovës, e cila ka qenë në aplikim nga data 11.06.2018 e deri me datë 10.06.2018, e cila në nenin 17 paragrafi 2 ka paraparë se “Punëmarrësi mund të kompensohet me pagën e 13 (trembëdhjetë) për çdo vit kalendarik, në vlerën e pagës bazë, sipas mundësive buxhetore të punëdhënësit”.

Në vlerësim të dispozitës se cekur si me lartë, kjo gjykatë vlerëson se dispozita nga neni 17 paragrafi 2 e Kontratës Kolektive Sektoriale të Shëndetësisë, në përmbajtje lidhet me mundësitë buxhetore të punëdhënësit, pra e njëjtë dispozitë nuk është e karakterit detyrues, përjashtimisht efektin detyrues e merr në rast se punëdhënësi ka buxhet të mjaftueshëm për mbulimin e pagës se 13 (trembëdhjetë) për punëtorët e punësuar dhe që janë nën menaxhimin e tij. Pra, kjo e drejtë krijohet kur punëdhënësi (i padituri) nuk e përbush këtë obligim, ndërsa nuk arrin që të provoj me asnje provë se nuk ka pasur mundësi buxhetore për një kompensim të tillë.

Kësisoj, i padituri me rastin e paraqitjes se përgjigjes në padi, gjykatës i ka dorëzuar edhe provën materiale, nga e cila dëshmohet edhe gjendja financiare e tij në raport me buxhetin e pranuar vjetor për paga dhe mëditje. Nga njoftimi me numër 3823, i datës 21.12.2023, i lëshuar nga Shërbimi Spitalor Klinik Universitar i Kosovës, përkatësisht nga Drejtori i Financiar z. Enver Gashi, vërtetohet se për vitin 2020, buxheti fillestari i alokuar për paga dhe mëditje për Shërbimin Spitalor Klinik Universitar të Kosovës, ka qenë në shumë prej 57,191,921.00 euro, ku buxheti i shpenzuar për paga dhe mëditje ka qenë në shumë prej 76,250,921.00 euro, ndërsa përfundimisht si institucion ka qenë në deficit buxhetor në shumë prej 19,059,000.00 euro.

Pra, nga njoftimi i cekur me lartë, njoftim të cilin gjykata e vlerësoj të besueshëm dhe të plotë, marrë parasysh se i njëjti është i lëshuar po nga organi dhe personi kompetent lidhur me gjendjen

buxhetore tek i padituri, u provua se mundësitë buxhetore të te paditurit nuk kanë qenë qe e njëjta të veproj sipas dispozitës se nenit 17 paragrafi 2 të Kontratës Kolektive Sektoriale të Shëndetësisë.

Andaj, gjykata kërkesëpadinë e paditëses në raport me pagën e 13 (trembëdhjetë) për vitin 2020, e refuzoj për shkak se i padituri nuk ka qenë në obligim në mungesë të mjeteve buxhetore.

Gjykata vendosi që këtë çështje kontestimore ta vendos jashtë seancës gjyqësore duke u mbështetur në nenin 399 të LPK-së, e cila parasheh që “*Kur gjykata, pasi t'i arrijë përgjigja në padi, konstaton se nga faktet e treguara në padi nuk del themelësia e kërkesëpadisë, atëherë ajo do te jep vendimin meritor me të cilin refuzohet si e pathemeltë kërkesëpadia*”, si dhe duke u bazuar në praktikën e ndërtuar nga Gjykata Evropiane për të Drejtat e Njeriut (rasti Jussilia kundër Finlandës, nr.73053/01), e cila praktikë është obligim që të zbatohet nga Institucionet e Republikës së Kosovës, obligim i cili del nga neni 53 të Kushtetutës së Republikës së Kosovës, i cili parasheh se “*Të drejtat njeriut dhe liritë themelore të garantuara me këtë Kushtetutë, interpretohen në harmoni me vendimet gjyqësore të Gjykatës Evropiane për të Drejtat e Njeriut*”.

Vendimin që secila palë ti bartë shpenzimet e veta të procedurës, gjykata e mori duke u bazuar në nenin 450, 452 dhe 463 të LPK-së.

Nga sa u tha më lartë u vendos si në dispozitiv të këtij Aktgjykimi

GJYKATA THEMELORE GJAKOVË

Departamenti i Përgjithshëm

C.nr.3352/23, me 23 shtator 2024

G J Y Q T A R

Florid Hasku

KËSHILLË JURIDIKE:

Kundër këtij aktgjykimi mund të ushtrohet ankesë në afat prej 7 ditësh, nga dita e marrjes së aktgjykimit, Gjykatës së Apelit të Kosovës në Prishtinë e nëpërmes kësaj Gjykate. Ankesa duhet të paraqitet në kopje të mjaftueshme për palët dhe gjykatën.